

ՆԵԼԼԻ ԴՈՒԴՈՒԿՉՅԱՆ. «2024 ԹՎԱԿԱՆԻՆ ԴԱՄԱԼԱՆ ԿՈՒՆԵՆԱ ԳԵՐԺԱՄԱՆԱԿԱԿԻՅ ԴՊՐՈՅ»



«Վրաստանի» ամսագրի համարում՝ ընթերցողի ուշադրությանն ենք ներկայացնում ոչ միայն մեր ընթերցողներին, այլև համայն Վրաստանին քաջածանոթ Ասպինձայի մունիցիպալիտետի Դամալա գյուղի համրային դպրոցի երկարամյա տնօրեն, վաստակաշատ ուսուցչուհի Նելլի Դուդուկչյանի հետ հարցազրույցը:

- Տիկին Նելլի, ինչպե՞ս է պատահել, որ ընտրել եք մանկավարժի մասնագիտությունը:

- Նախ ասեմ, որ սովորել եմ հարազատ Դամալա գյուղի համրային դպրոցում, ապա ընդունվել եմ Երեւանի Վալերի Բրյուսովի անվան ռուսաց եւ օտար

լեզուների պետական մանկավարժական ինստիտուտի գերմաներեն լեզվի ֆակուլտետը եւ գերագանց առաջադիմությամբ ավարտել այն:

Մանկավարժի մասնագիտության հանդեպ սերն իմ մեջ սերմանել է վեհ հատկանիշներով օժտված մի անձնավորություն՝ բարի ու հեզ մայրս: Ինձ կրթել ու դաստիարակել է մանկավարժին բնորոշ բոլոր հատկանիշներով: Մանկավարժությունն ինձ համար ոչ միայն մասնագիտություն է, այլ նաեւ՝ ապրելակերպ: Կարծում եմ, որ լավ մանկավարժ լինելը տաղանդ է: Չնայած մեր օրերում, որոշակի առումով, ուսուցչությանն նշանակությունն ու կարեւորությունը այդքան էլ չի գնահատվում, բայց միեւնոյն է, եթե դարձյալ հնարավորություն տրվեր, ես կրկին կընտրեի մանկավարժի մասնագիտությունը:

- Ի՞նչ զգացողություններ ունեիք, երբ առաջին անգամ մտաք դպրոց, եւ ի՞նչ սովորեցրին Ձեզ տարիները:

- 1984 թվականին ճակատագիրն ինձ բերեց հարազատ Դամալայի համրային դպրոց՝ որպես գերմաներեն լեզվի ուսուցչուհի: Երբ առաջին անգամ մտա իմնագերոց դասարան, մի աննկարագրելի զգացողություն ունեցա, անգամ՝ վախ: Տասնյակ զույգ աչքեր նայում էին ինձ եւ ինձ թվում էր, որ ոմանք ուզում էին ընկալել իմ խոսքերը, մյուսները հետեւում էին ձայնիս տեմբին... Ձգում էի, որ նրանց մոտ կար հետաքրքրություն, նրանք սպասելիքներ ունեին, եւ դա ինձ մոտ առաջացրեց պատասխանատվության մեծ զգացում: Չէ՞ որ յուրաքանչյուր սովորող ունի իր առանձնահատկությունները, իրեն հատուկ աշխարհը, եւ ես պետք է կարողանայի բացել

այդ աշխարհի դռները: Ակամայից մտաբերեցի մորս խոսքերը. «Դու պիտի սերունդ կերտես ու դաստիարակես»: Եվ այդ օրվանից իմ առաքելությունը համարեցի սերունդներ կրթելը, ու առ այսօր մեծ պատասխանատվությամբ շարունակում եմ իմ գործունեությունը: Իսկ աշխատանքային տարիներն ինձ սովորեցրին սիրել եւ նվիրվել մանկավարժի վեհ գործին, ուսուցանել ու դաստիարակել բազում սերունդներ, միանգամայն վստահ լինել, որ ճիշտ մասնագիտություն եմ ընտրել ու չեմ ափսոսում:

- Ընթացքի մեջ է Ձեր ղեկավարած դպրոցի վերանորոգումը: Ե՞րբ կավարտվի այն, եւ ի՞նչ կփոխվի ենթակառուցվածքի առումով:

- 1982 թվականից դպրոցում վերանորոգման աշխատանքներ չէին իրականացվել: 2010 թվականին, արդեն իմ տնօրինության տարիներին, կատարվել է վերանորոգման աշխատանքներ Դամալայի համրային դպրոցի նախկին սաների հովանավորությամբ: Մասնավորապես, համակարգչային սենյակը վերանորոգվեց տնտեսական գիտությունների թեկնածու, գործարար Սոս Սահակյանի հովանավորությամբ, հանդիսությունների դահլիճը՝ Դովհաննես Սոֆյանի, բժշկի աշխատասենյակը՝ Աշոտ Ֆարմանյանի հովանավորությամբ: Մի շարք աշխատասենյակներ վերանորոգվեցին Աղասի Սահակյանի, Վահան Խաչատուրյանի, Ժիրայր Ավագյանի, Մանվել եւ Շոթա Բաբոյանների, Զուրաբ Ասատուրյանի, Զրաշյա Գրիգորյանի, Ալեքսան Կարդանյանի, Սոս Բերոբյանի եւ ուսուցիչների հովանավորությամբ:

Մեկ անգամ եւս շնորհակալություն եմ հայտնում նրանց գեղեցիկ ուսումնական միջավայր ստեղծելու համար: Բարեբախտաբար, 2023 թվականին երկրի հանրային դպրոցների կառուցման-վերանորոգման լայնածավալ նախաձեռնությամբ, հանդես եկավ Վրաստանի վարչապետ Իրակլի Դարիբաշվիլին եւ արդյունքում, Ասպինձայի մունիցիպալիտետի քաղաքապետ Ռոստոմ Մազրաբվելիձեի, սակրեբուլոյի նախագահ Բեպիկ Բերիձեի, սակրեբուլոյում մեր պատգամավոր էմին Բալոյանի, Դամալայի գյուղապետ Մարտին Կարեկյանի, դպրոցի կուլեկտիվի համատեղ ջանքերի շնորհիվ այժմ արդեն սկսվել է իմնամանրոգման աշխատանքները, որոնք կա-

վարտվեն 2024 թվականի երկրորդ կեսին, նոյեմբերին:

Պետք է ասեմ, որ արդի ժամանակներում 21-րդ դարի պահանջներին համապատասխան բարձր որակի կրթություն ապահովելու համար, շատ կարեւոր է նաեւ կրթական միջավայրը, որը հնարավոր չէ ձեւավորել առանց ենթակառուցվածքների զարգացման: Հիմնանորոգման աշխատանքներից հետո՝ մենք կունենանք ժամանակակից տեխնոլոգիաներով հագեցված դպրոց. հարմարավետ լսարաններ, վերագինված լաբորատորիաներ, գրադարան, սպորտդահլիճ, սննդի կետ, կանաչապատ բակ, ինչը խթան կհանդիսանա աշակերտների ակադեմիական առաջադիմության բարձրացմանը:

- Երկու խոսք՝ Ձեր ընտանիքի, երեխաների մասին...

...- Ունեմ հայկական ավանդական ընտանիք, սիրող եւ հարգող ամուսին, ով նույնպես մանկավարժ է եւ աշխատում է Դամալայի համրային դպրոցում, երեք հրաշալի երեխաներ՝ երկու որդի եւ մեկ դուստր: Ավագ որդիս ավարտել է Երեւանի պետական համալսարանի տնտեսագիտական ֆակուլտետը, կրտսերը՝ Սամցխե-Ջավախեթի պետական համալսարանի իրավաբանական ֆակուլտետը: Եկուն էլ զբաղվում եմ իրենց սեփական ձեռնարկատիրությամբ: Դուստրս ավարտել է Երեւանի Վալերի Բրյուսովի անվան պետական լեզվաբանական ինստիտուտը: Կրթությունը շարունակելու նպատակով՝ մեկնել է Գերմանիա եւ սովորել Բեռլինի «Ազատ» համալսարանում, ինչպես նաեւ՝ Դուստրս, Յուրիխի ու Քեմբրիջի համալսարաններում:

2020 թվականից աշխատում է Բուհեթսթագի պատգամավորի գրասենյակում՝ որպես գիտական աշխատող եւ խորհրդատու:

- Ամանորյա ի՞նչ բարեմաղթանքներ կցանկայիք «Վրաստանի» միջոցով ուղղել դամալացիներին, թերթի ընթերցողներին:

- Մաղթում եմ առողջություն, երջանկություն, սեր եւ ուժեղ կամք բոլորին: Թող 2024 թվականը բոլորիս համար լինի ուրախության ու բազում հրաշքներով լեցուն հաղթանակների տարի:

Ամանորի եւ Սուրբ Ծննդյան տոների առիթներով շնորհավորում եւ խորին շնորհակալություն եմ ուզում հայտնել նաեւ «Վրաստան» թերթի խմբագիր Վան Բաբոյանին, աշխատակազմին եւ այն մարդկանց, ովքեր սկզբնավորել ու նպաստում են թերթի զարգացմանն ու կայացմանը: Ստեղծագործական մեծ ներուժ ու եռանդ ձեզ գալիք տարում:

Ձրուցեց ԿԱՐԻՆԵ ՄԱՆՈՒԿՅԱՆԸ

ՁՄԵՌ ՊԱՊԸ ԸՆՈՐՀԱՎՈՐԵՅ ՆԱԽԱԿՐԹԱՐԱՆԻ ՍԱՆԵՐԻՆ

Վիրահայոց թեմի Թբիլիսիի «Հայարտուն» կենտրոնում կայացավ «Սուրբ Մովսես Խորենացի» նախակրթարանի ամանորյա եւ Սուրբ Ծննդյան տոնահանդեսը:

Դահլիճում հապարդեց վեր էր խոյացել երեխաների ձեռքով գեղեցիկ զարդարված տոնածառը: Իսկ կենտրոնում տեղեր էին զբաղեցրել սիրունատես փոքրիկները, որոնց համար ամանորյա այս հանդեսը նորություն էր եւ մեծ ուրախություն, հատկապես, որ ուսուցիչների երեւակայությամբ եւ ծնողների աջակցությամբ զուգված ու զարդարված էին անտառի բնակիչների, հեքիաթների հերոսների տեսքով:

Երեխաների ամանորյա հանդեսին իր օրհնաբեր ներկայությունն էր բերել Վիրահայոց թեմի առաջնորդ Տեր Կիրակոս եպիսկոպոս Դավթյանը, որի Տերունական աղոթքով էլ սկսվեց միջոցառումը:

Տոնահանդեսը ողջույնի խոսքով եւ ամանորյա ու Սուրբ Ծննդյան բարեմաղթանքով բացեց Վիրահայոց թեմի «Հա-



յարտուն» կենտրոնի ղեկավար Եվգենյա Մարկոսյանը: Փոքրիկները արտասանեցին, երգեցին ու պարեցին, ցուցադրելով Նոր տարվան եւ Սուրբ Ծննդին նվիրված այն ամենը, ինչը սովորեցրել էին հարգելի ուսուցիչներ Սիդա Բազոյանը, Տաթևիկ Սահակյանը եւ Նանե Օգանեսյանը:

Եվ եկավ Ձմեռ պապը՝ բերելով նվերների ծանր տոպրակը, բոլորին բաժանեց ամանորյա նվերներ՝ շնորհավորանքի ու ցանկությունների մաղթանքներով, գովասանքի խոսքեր ուղղելով նախակրթարանի սաներին՝ խրատեց նրանց խելք լինել, լավ սովորել: Այս անգամ էլ Վիրահայոց թեմի «Սուրբ Մովսես Խորենացի» նախակրթարանի տոնահանդեսը եւս տպավորիչ ու հիշարժան էր:

ՍՄՈՒՄԱՆԱ ԽԱՉԱՍՏՐՅԱՆ

ԸՆՈՐՀԱՎՈՐ ԱՄԱՆՈՐ, ՄԵՐ ՀՊԱՐՏՈՒԹՅՈՒՆ, ԹՈՎԱՄԱ...

Սարերը իրար հաջորդելով, կարծես պարբերա՞ծ, գյուղն իրենց գիրկն առած հարազատ մոր պես, նազում են ու շորորում...

Յոթնադրյուր է գյուղն այս հոյակապ, ամեն քայլափոխին առվակի կարկաչ, թռչունների դայլալ ու երդիկից ելնող թարմ հացի բուրմունք: Մանկության հուշեր. կյանքի ուղեղը, քաղց ամուրջներ. ինչպե՞ս մոռանալ...

Թովմաս Վարդանյան, անմոռաց անուն. գյուղի ցավերով ու խնդիրներով տառապող մի անձ, դու ազնիվ հոգի ու մեծ մարդ անհատ: Գյուղից բացակա, բայց հոգով ներկա, ուշի-ուշով ունկնդիր հայրենի ծայրին:

Ամեն ինչ սկսվեց առվակից. տունը կառուցված էր առվակի կողքին, նա աչք էր բացել առվի շառաչով, ապրել, մեծացել՝ կենարար ջրի երգի մեղեդով... Ծառը մեծանում է արմատի ուժով, իսկ կարոտը անհագ՝ հասակն առնելով: Երբ գյուղ եկավ կարոտն առնելու, նա ի՞նչ տեսավ այն առում, որից նա ջուր էր խմել՝ տիղմի փայլարած ճահճի զանգված էր ու նրա հոգին ծառացավ իր դեմ. այս ի՞նչ եմ տես-

նում... Հստակ որոշեց կանգնեմ ամեն ինչ առվակին մոր կյանք ու մոր երգի ոճ տալու համար, որ մանկության իմ վերինուշը լսեմ:

Դեռ ոչ մի գյուղում կենտրոն կոյուղի չկա, իսկ մեր Թովմասը գնաց այդ քայլին, գյուղի մեծ մասով հոսքագծերը արդեն գործում են ու հաջորդ տարում մյուսն էլ կանի, եւ դա միայն մի քայլ է ասեմ:

Առվակի երկու ժայռոտ փեղերն հարթեցրեց, ու ապա նաեւ ցանկապատեց, մոր մանկական զբոսայգու կառուցումն սկսեց: Մեր սուրբ հավատի խաչքարը բերեց... Շուտով այս քարն էլ կյանքի կդառնա:

Ծնողները՝ Մերգելոս եւ Զուլիետա Վարդանյանները, հարգված մանկավարժներ էին, ի հիշատակ նրանց՝ հիմնովին վերանորոգեց թիվ 2 հանրային դպրոցի միջանցքն ու մի դասարան,



իսկ կինը՝ Սիլվան, աշակերտների համար ձեռք բերեց պարի զգեստներ:

Հայրենի տունը մորացրեց հիմքից ու դեռ շարունակվում են աշխատանքները:

Գործերը շատ են, ու նա սիրում է գործել աննկատ եւ դեռ բազում պլաններ ունի...

Հպարտ ենք քեզով, մեծատառով Մարդ, փորձառու մանկավարժ եւ մեծ բարերար...

ԼԱԼԱՋԱՐ ՍՐՈՅԱՆ
Նիմոծմիդայի մունիցիպալիտետի Դեշտիայի թիվ 2 հանրային դպրոցի տնօրեն



ՀԱՅԱՍՏԱՆ. Փառարկեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՅԱՍՏԱՆԸ ՄՏԱՆՁՆԵՅԻ ԵՎՐԱՍԻԱԿԱՆ ՏՆՏԵՍԱԿԱՆ ՄԻՈՒԹՅԱՆ ՆԱԽԱԳԱՀՈՒԹՅՈՒՆԸ

Դեկտեմբերի 25-ին, Հայաստանի վարչապետ Նիկոլ Փաշինյանը Սանկտ Պետերբուրգում մասնակցեց Եվրասիական տնտեսական միության (ԵԱՏՄ) բարձրագույն խորհրդի նիստին:

Ինչպես նշվեց նիստում՝ Եվրասիական միությունը գործում է շուրջ 10 տարի, եւ այս ընթացքում փոխադարձ առեւտրի ծավալը գրեթե կրկնապատկվել է, ԵԱՏՄ երկրների ընդհանուր ՀՆԱ-ն 1,6-ից հասել է 2,5 տրիլիոն դոլարի: Ազգային արժույթների տեսակարար կշիռը, ԵԱՏՄ շրջանակում իրականացվող առեւտրի մեջ գերազանցել է 90 տոկոսը եւ կշարունակի աճել:

Եվրասիական տնտեսական միության (ԵԱՏՄ) անդամ երկրների ղեկավարները, դեկտեմբերի 25-ի գագաթա-

ժողովի արդյունքներով, հաստատել են մինչեւ 2045 թվական ընկած ժամանակաշրջանում միության հետագա զարգացման հռչակագիրը: Բացի հռչակագրից, նիստի շրջանակներում, ստորագրվել է եւս 22 փաստաթուղթ:

Եվրասիական տնտեսական բարձրագույն խորհրդի ընդլայնված կազմով նիստում Ռուսաստանի Դաշնության նա-



խագահ Վլադիմիր Պուտինը հաջողություն է մաղթել Հայաստանին՝ Եվրասիական տնտեսական միությունում (ԵԱՏՄ) 2024 թվականի հունվարի 1-ից նախագահելու առիթով:



2023 ԹՎԱԿԱՆԻ ՀԱՅԱՍՏԱՆԻ 10 ԼԱՎԱԳՈՒՅՆ ՄԱՐԶԻԿՆԵՐԸ

Հայաստանի կրթության, գիտության, սպորտի նախարարության կողմից հավատարմագրված մարզական լրագրողների ու հավաքականների մարզիչների քվեարկության արդյունքում հայտնի են դարձել անցնող տարվա լավագույն 10 մարզիկները:

Լավագույն մարզիկներ են ճանաչվել ըմբշամարտիկներ Արթուր Ալեքսանյանը, Մալխաս Ամոյանը, Արման Անդրեասյանը, Վազգեն Թեւանյանը, Արսեն Զարուկյանը,

բռնցքամարտիկներ Զովհաննես Բաշկովը, Նարեկ Մանասյանը, մարմնամարզիկ Արթուր Դավթյանը, ծանրամարտիկներ Վարադգատ Լալայանը եւ Գոռ Սահակյանը:



ԱՐՄԵՆ ՄԵԼԻՔԵԿՅԱՆԸ ՎԵՐԸՆՏՐՎԵՑ ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՑԻԱՅԻ ՆԱԽԱԳԱՐԻ ՊԱՇՏՈՆՈՒՄ

Հայաստանի ֆուտբոլի ֆեդերացիայի նախագահի պաշտոնում վերընտրվեց 43-ամյա Արմեն Մելիքեկյանը:

Հայաստանի ֆուտբոլի ֆեդերացիայի 24-րդ ժողովին նախագահի ընտրություններին առաջադրված երկու թեկնածուներից՝ Արմեն Մելիքեկյան եւ Արաս Օզքիլիզ, քվեարկողների 3/20 ծայների հարաբերակցությամբ, ՀՀ նախագահի պաշտոնում վերընտրվեց Արմեն Մելիքեկյանը:

Քվեարկությանը չմասնակցեցին «Նոա» եւ «Շիրակ» ֆուտբոլային ակումբները:

Արմեն Մելիքեկյանը ավարտել է Երեւանի Բոլոստ-վի անվան լեզվաբանական համալսարանը: Ասպիրանտուրան ավարտելուց հետո՝ դասավանդել է նույն համալսարանում,

ապա աշխատել է Հանրային հեռուստատեսությունում՝ որպես մարզական լրագրող, որպես մարզական վերլուծաբան:

2005-2008 թվականներին եղել է Հայաստանի ֆուտբոլի ֆեդերացիայի փոխնախագահ: 2018 թվականին ընտրվել է ՀՀ Գործկոմի անդամ եւ՝ նշանակվել գլխավոր քարտուղարի ժամանակավոր պաշտոնակատար:

2019 թվականին նշանակվել է ՀՀ գլխավոր քարտուղար, ապա ընտրվել է ՀՀ նախագահի պաշտոնում:

ՌՈՒԲԵՐՏ ՔՈԶԱՐՅԱՆԻ ՆԿԱՏԱՍԱՐ ՔԵՐԱԿԱՆ ՀԵՏԱՊՆԴՈՒՄԸ ԴԱԴԱՐԵՑՎԵՑ

Դեկտեմբերի 27-ին Երեւանի ընդհանուր իրավասության դատարանը որոշում է կայացրել՝ դադարեցնել Հայաստանի երկրորդ նախագահ Ռոբերտ Քոչարյանի նկատմամբ քրեական հետապնդումը՝ վաղեմության ժամկետներն անցած լինելու հիմքով:

Դատարանը որոշում է կայացրել նաեւ վերացնել Ռոբերտ Քոչարյանի սահմանը հատելու արգելքը, ինչպես նաեւ՝ գույքի վրա դրված արգելանքը: Բացի այդ, ըստ դատարանի որոշման, գրավի գումարը վերադարձվել է Ռոբերտ Քոչարյանին:

Հիշեցնենք, որ Ռոբերտ Քոչարյանին

մեղադրանք է առաջադրվել այն բանի համար, որ նա, 1998թ. ապրիլի 9-ից մինչեւ 2008 թվականի ապրիլի 9-ը, զբաղեցնելով Հայաստանի նախագահի պաշտոնը, պաշտոնական կողմից օգտագործելով «Թի Եւ Եւ Սի Արմենիա» ՍՊԸ միակ մասնակից եւ տնօրեն Սիլվա Համբարձումյանի օգտին գործողություններ

կատարելուն նպաստելու, այն է՝ այդ ընկերությանը տրամադրված ընդերքը օգտակար հանածոների շահագործման նպատակով ուսումնասիրության հատուկ լիցենզիաներով ընկերության 100 տոկոս բաժնեմասը ՀՀ-ում ոչ ռեզիդենտ ընկերությանը վաճառելու գործարքին չխոչընդոտելու համար, 2008 թվականի փետրվարին եւ մայիսին, Սամվել Մայրապետյանի օժանդակությամբ, նրանից ստացել է առանձնապես խոշոր չափերով՝ 927.000.000 ՀՀ դրամին համարժեք 3.000.000 ԱՄՆ դոլար կաշառք:

ԿԱՅԱՑԱՎ «ՄԵՐ ԺԱՄԱՆԱԿՆԵՐԻ ՀԵՐՈՍԸ-2023» ՄՐՑԱՆԱԿԱԲԱՇԽՈՒԹՅՈՒՆԸ

Դեկտեմբերի 25-ին, Երեւանի Ալեքսանդր Սպենդիարյանի անվան օպերայի եւ բալետի ազգային ակադեմիական թատրոնում, անցկացվեց «Մեր ժամանակների հերոսը» խորագրով մրցանակաբաշխությունը, որին ներկա էին Հայաստանի վարչապետ Նիկոլ Փաշինյանը, նախագահ Վահագն Խաչատուրյանը, Ազգային ժողովի նախագահ Ալեն Սիմոնյանը, Սահմանադրական դատարանի նախագահ Արման Դիւանյանը, Բարձրագույն դատական խորհրդի նախագահ Կարեն Անդրեասյանը, վարչապետի աշխատակազմի ղեկավար Արայիկ Զարուկյանը, Անվտանգության խորհրդի, կառավարության անդամներ, Աժ պատգամավորներ, մարզպետներ ու պաշտոնատար այլ անձինք:

Մրցանակները շնորհվել են Հայաստանի վարչապետի աշխատակազմի՝ Տեղեկատվության եւ հանրային կապերի կենտրոնի կողմից պատրաստվող «Մեր ժամանակների հերոսը» հաղորդման 12 մասնակիցների:

«Մեր ժամանակների հերոսը 2023» մրցանակաբաշխության գլխավոր մրցանակակիր դարձավ Գորիսից, մաթեմատիկայի ուսուցիչ, դպրոցական ձեռնարկների հեղինակ, դպրոցի հիմնադիր Սեւադա Խոջաբաղյանը:



ՀԱՅԱՍՏԱՆԻ ՎԱՐՉԱՊԵՏԸ ՄԱՍՆԱԿՅԵՅԻ ԱՊՀ ՂԵԿԱՎԱՐՆԵՐԻ ՉԱԳԱԹԱԺՈՂՈՎԻՆ

Դեկտեմբերի 26-ին, Հայաստանի վարչապետ Նիկոլ Փաշինյանը Սանկտ Պետերբուրգում մասնակցեց ԱՊՀ մասնակից պետությունների ղեկավարների ոչ պաշտոնական գագաթաժողովին:

Հանդիպմանը քննարկվեցին ԱՊՀ տարածքում համագործակցությանը վերաբերող հարցեր:

Գագաթաժողովի շրջանակներում Նիկոլ Փաշինյանը հանդիպումներ ունեցավ ՌԴ նախագահ Վլադիմիր Պուտինի եւ Ադրբեջանի նախագահ Իլհամ Ալիևի հետ:

ՆՈՐ ԱՎՏՈՐՈՒՄՆԵՐ ԵՎ ՏՐՈՒՅՔՈՒՄՆԵՐ ԵՐԵՎԱՆԻ ՓՈՂՈՅՆԵՐՈՒՄ

Երեւանի ավագանին հաստատվեց Հայաստանի մայրաքաղաքի զարգացման 2024 թվականի ծրագիրը. ըստ որի՝ 2024 թվականին տրանսպորտի ոլորտում նախատեսվում է իրականացնել մեծածախքի վագոնների արդիականացում, 249 հատ՝ 19-մետրանոց, եւ 171 հատ՝ 8,5-մետրանոց նոր ավտոբուսների, 71 նոր տրոլեյբուսների ձեռքբերում, երթուղիների կազմակերպման թվայնացման ծրագրային համակարգի մշակում եւ ներդրում, 350 լուսայույնների աշխատանքը կանոնակարգելու համար՝ լուսայույնների նոր համակարգերի ներդրում, կանգառասարահների ցուցադրատեղանքների տեղադրում:

ՏՆՏԵՍԱԿԱՆ ԱՎՏՐԱՊԵՏՈՒՄՈՒՄ ԱՇԽԱՏՆԵՐԻ ԵՎ ԳԱԶՆԵՐԻ ԲԱՆԱԿԱՆ

Հայաստանի վիճակագրական կոմիտեի հրապարակած տվյալներով, Հայաստանի տնտեսական ակտիվության ցուցանիշը, 2023 թվականի հունվար-նոյեմբեր ամիսներին, 9,4 տոկոսով ավելացել է նախորդ տարվա նույն ժամանակահատվածի համեմատ:

Արդյունաբերական արտադրանքի ծավալը, այս տարվա հունվար-նոյեմբերին, նախորդ տարվա նույն ժամանակահատվածի համեմատ, ավելացել է 2,1 տոկոսով: Շինարարության ծավալը, 2023-ի 11 ամիսներին, նախորդ տարվա նույն ժամանակի համեմատ, ավելացել է 15,6 տոկոսով:

ՀԱՅԿԱԿԱՆ ՖԻԼՄԵՐԸ՝ ՄԻՋԱԶԳԱՅԻՆ ՓԱՐԱՏՈՆԵՐԻՆ

Միջազգային հեղինակավոր կինոփառատոներին եւ մրցույթներին հայկական կինոյի մասնակցությունը 2023-ին ավելացել է 74 տոկոսով:

Հայկական տասը ֆիլմ 28 մրցանակ է բերել Հայաստան: Հայրկարյան նշանակալից է «Ամերիկայի» ֆիլմի «Օսկար»-ի կարճ ցուցակում ընդգրկվելը եւ դոկումենտալ կինոյի ամենահեղինակավոր կինոփառատոնում IDFA-ում, հայկական «1489» ֆիլմի «Լավագույն ֆիլմ» գլխավոր մրցանակին արժանանալը:

ԱՌՆԵՏ (1948, 1960, 1972, 1984, 1996, 2008, 2020)



Գուցե պարահոբս է, բայց հին տարին դուք կավարտեք նորույթներով՝ ինչպես աշխատավայրում, բիզնեսում, կյանքում, այնպես էլ ընտանիքում եւ ընկերների հետ հարաբերություններում։ Փոփոխություններն սկսեք ձեզանից՝ փոխեք ձեր արտաքինը, անցեք օգտակար, առողջ սննդի... Դրան, անշուշտ, կհետեւի նաեւ ներքնապես փոխվելու պահանջը, որը ինքնին կբերի մի շարք այլ բարի փոփոխություններ։ Օգտակար է զբաղվել բնակարանի կոսմետիկ վերանորոգմամբ, թարմացնել հին կահույքը, պատերը զարդարել նկարներով։ Եթե այս գաղափարները անիրագործելի են, այդ դեպքում, գոնե, զբաղվեք բնակարանի հիմնավոր մաքրությամբ։

Տարին խոստանում է ստեղծագործական ակտիվություն, ներքին ուժեր։ Ձեր ծրագրերը հաջողությամբ կիրագործվեն եւ, ամենակարեւորը, Նոր տարին կբերի սեր՝ վառ ու հզոր զգացմունքներ։

ՑՈՒԼ (1949, 1961, 1973, 1985, 1997, 2009, 2021)



Նախորդ տարում ձեր ուշադրությունը պակաս է եղել հարազատների նկատմամբ։ Դա ուղղելու համար՝ հիմա հարկավոր է կենտրոնանալ։ Բոլորս էլ գիտենք, որ ներդաշնակ հարաբերությունները պահանջում են մշտական աշխատանք, ինքնաճանաչում։ Ավելի շատ ժամանակ տրամադրեք մերձավորներին ու հարազատներին, նրանց մշտապես ձեր օգնությունն առաջարկեք։ Հոգատար եղեք ծնողների հանդեպ։ Վերանայեք բնակարանի ինտերյերը, զնեք հայելի կամ մեկ այլ բան։

Հնարավոր է՝ ձեզանում ծնվի բնակարանը փոխելու կամ նոր բնակարան կառուցելու ցանկություն։ Վիշապի տարին նման ծրագրերի համար շատ բարենպաստ է։

ՎԱԳՐ (1950, 1962, 1974, 1986, 1998, 2010, 2022)



Ամենակարեւոր խնդիրն այս տարի ֆինանսներն են։ Որպեսզի եկող տարում դրանք ձեզ չանհանգստացնեն, հանուն սեփական բարօրության, դրանով զբաղվեք հենց հիմա՝ հին տարին ճանապարհելիս։ Առաջին հերթին ջանացեք ազատվել պարտքերից, հնարավորության սահմաններում՝ ինչ-որ մեկի բարերարություն արեք. դա ձեզ կփոխհատուցվի։ Առանձնապես հոգացեք երեխաների կամ կրտսեր եղբայրների ու քույրերի մասին։ Իհիմա նրանք էլ կարող են ունենալ այն խնդիրները, ինչ նրանց տարիքում ունեցել եք դուք։ Ու հիմա, երբ ունեք փորձ, մի՛ զլացեք օգնել նրանց։

Վիշապի տարին ձեզ համար սոցիալական ակտիվության շրջան է։ Ձեզանից պահանջվում են հեռավոր ճանապարհորդություններ դեպի այն վայրեր, որոնք ձեզ հետաքրքրում են։ Դրանք կթեթեւացնեն հոգեբանական ճգնաժամերը եւ կապահովեն նոր ներուժ։

ՃԱԳՐ (ՎԱՏՈՒ) (1951, 1963, 1975, 1987, 1999, 2011, 2023)

Ճիշտ որոշում կլինի՝ բնակարանի համար արժեքավոր մի բան գնելը. կահույք կամ խոշոր տեխնիկա։ Հաջողությամբ կասակվի նաեւ անշարժ գույքի գնումը։ Նա-

ԽՈՆԱՐՀՈՒՄ ՃԱԳԱՐԻՆ, ՈՂՋՈՒՅՆ ՓԱՅՏՅԱ ԿԱՆԱԶ ՎԻՇԱՊԻՆ

Անցնող տարվա հովանավորին պետք է ճանապարհել շնորհակալությամբ՝ այն բարության համար, որ բերեց մեզ։ **Չմոռանաք խմել նրա կենացը եւ մաղթել, որ, 12 տարի հետո, նա նորից հաջողությամբ ժամանի։ Իսկ Փայտյա կամաչ Վիշապին՝ 2024թ-ի հովանավորին, որի տիրակալությունը կսկսվի փետրվարի 10-ից, հարկավոր է դիմավորել ուրախությամբ՝ ինչպես ընդունված է դիմավորել ցանկալի հյուրին։ Միայն հիշեք, որ Վիշապը չի սիրում շտապողականություն, ուստի, տոնը դիմավորեք խաղաղ հոգով եւ՝ առանց խուճապի։**



խապատրաստեք ձեր հարազատների համար տոնածառի տակ դրվելիք նվերները։ Միայն ճղճիմություն չանեք դրանք զննելիս. նվերները պետք է լինեն թանկ ու հիշվող, օրինակ, դա կարող է լինել ոսկյա զարդարանք։ Հիմա ձեզ կարելու է մտերմանալ այն հարազատների հետ, որոնց հետ մինչ այսօր հարաբերություն չեք ունեցել։

Տարին ճագարին կբերի նյութական հաջողություններ։ Դուք հիմա կարող եք խնայողություններ կուտակել, ապահովել ձեր ապագան։ Միաժամանակ՝ եղեք առավելագույն շռայլ հարազատների նկատմամբ, արեք հնարավորինս բարի գործեր։

ՎԻՇԱՊ (1952, 1964, 1976, 1988, 2000, 2012, 2024)



Անցնող տարին ձեզ համար կարող է խնդրահարույց դառնալ ֆինանսների, ունեցվածքի եւ ինքնագզացողության պատճառներով։ Բայց կտրուկ արգելեք ձեզ մտահոգվել այդ ամենի համար։ Պարզապես, հաճախակի հիշեցրեք ինքներդ ձեզ, որ բոլոր անհանգստությունները ժամանակավոր են, ամեն ինչ լուծելի է, ուրեմն՝ ավելորդ անգամ չարժի անհանգստանալ։ Այսինքն, հարկավոր է լինել խաղաղ, չենթարկվել ոչ մի սադրանքի, աջակցել բոլոր նրանց, ովքեր կուսնեն ձեր օգնության կարիքը եւ ջանացեք վերահսկել տանը, ընտանիքում եւ աշխատավայրում կատարվող իրադարձությունները։

Այս տարի դուք կանցնեք փորձառության շրջան՝ հաջողություններն ու անհաջողությունները կլինեն ձեր սեփական որոշումների ու գործողությունների արդյունքը։ Դուք կդառնաք ավելի ազդեցիկ, ձեր հորիզոնները կընդլայնվեն։

ՕՉ (1953, 1965, 1977, 1989, 2001, 2013)



Ձբաղվեք ինքներդ ձեզանով՝ ձեր ինքնագզացողությամբ եւ իմիջի կարգավորմամբ։ Մի՛ խնայեք եւ՝ գուրծախս ու ժամանակի գուր կորուստ մի՛ համարեք այն, ինչ «կթողնեք» բժիշկների, կոսմետոլոգների մոտ կամ՝ հագուստի խանութներում։ Ձեզ իրավունք վերապահեք լինել բավարարված ու երջանիկ, եթե ունեք եք ուրախացնել նաեւ ձեր մերձավորներին։ Բանն այն է, որ նրանք անմիջականորեն կախված են ձեր տրամադրությունից, իսկ վերջինս, իրեն հերթին, կախված է նրանից, թե որքան լավ կզգաք ձեզ ֆիզիկապես ու հոգեպես։ Օրը սկսեք վարժություններով, ջանացեք պահպանել օրվա ռեժիմ եւ առողջ ապրելակերպի սկզբունքները։

Եկել է ժամանակը՝ ճանաչելու սեփական ներաշխարհը։ Օձերից պահանջվում է, որ իրենց գործին ծառայեն անշահախնդրորեն, առանց վախի առճակատեն սեփական կասկածներին, երկյուղներին, անհանգստություններին ու տատանումներին։

ՉԻ (1954, 1966, 1978, 1990, 2002, 2014)



Հիմա առանձնակի ուշադրության կարիք ունեն ընտանեկան հարաբերությունները։ Խոսքը ոչ միայն ամուսինների, զավակների, այլ նաեւ զոքանչի, սկեսուրի, ինչպես նաեւ եղբայրների ու քույրերի մասին է։ Հարազատների հետ հարաբերությունները չպետք է լինեն սառը՝ տարիների վիրավորանքներով լի։ Գտեք ձեր մեջ ուժ՝ անելու հաշտության առաջին քայլը։ Հաշտվեք նրա հետ, ում հետ խռով եք, որպեսզի Նոր տարին սկսեք կյանքի նման բարի շրջապատույթով։ Այդ ամենին կհետեւեն եւ մյուս ոլորտներում ունեցած հաջողությունները։ Ձեր հաջողությունների գրավականը ներքին հոգեկան ուժերն են, որոնք կարող եք ստանալ աղոթքի շնորհիվ։

Չիու համար տարին կապված կլինի անակնկալ ծրագրերի, հույսերի, երազանքների հետ։ Եվ ձեր կողքին կհայտնվեն հավատարիմ ընկերներ, համախոհներ. ինչ-որ մեկը կգա անցյալից, մյուսն անսպասելի կհայտնվի գալիքում, եւ կլինի բացարձակ փոխհամաձայնություն ու ջերմ մթնոլորտ։

ԱՅԾ (1955, 1967, 1979, 1991, 2003, 2015)



Հեռացող տարվա ավարտին ձեզ անհրաժեշտ է կենտրոնանալ ուսման կամ այն կարելու գործերի վրա, որոնք կապված չեն ձեր ապրելավայրի հետ, այլ կապված են արտասահմանում ունեցած ձեր հարազատների կամ ունեցվածքի հետ։ Այդ հարցերի հաջող լուծումից է հիմա կախված գալիք տարվա գործերի ողջ ընթացքը։ Վիշապը խոստանում է ձեռքբերումներ կարիերայում։

Ավելի մեծ ուշադրություն տրամադրեք ընկերներին. նրանք կարող են բախվել լուրջ խնդիրների եւ ունենալ մտտիկ մարդկանց օգնության կարիք։ Մի՛ հրաժարվեք նման դեպքերում նրանց աջակցել եւ օգնել։

Ոչ մի դեպքում չփախչեք պատասխանատվությունից, եթե ունեք հոգեպես աճելու ցանկություն, ապա հրաժարվեք վախերից եւ ձեռնամուխ եղեք լուրջ, պրոֆեսիոնալ պլանների։

ԿԱՊԻԿ (1956, 1968, 1980, 1992, 2004, 2016)



Հեռացող տարվա նվազագույն ծրագիրը ձեզ համար կլինի մեքենայի տեխստուգումը, բնակարանի հիմնավոր մաքրությունը կամ վերանորոգումը։ Այս ամենի հետ պետք է անել նաեւ բարի գործ։ Այս դեպքում դա կլինի՝ ձեզ ոչ պետքական իրերը բարեգործական հիմնադրամին հանձնելը կամ՝ ընտանեկան բյուջեն հավելյալ գումարով մեծացնելը։ Բացի այդ, մտածեք ուսումնառության մասին, ցանկալի է սովորել որեւէ նոր լեզու։

Ձեր առջեւ կբացվեն լայն հորիզոններ։ Դուք կարող եք ճանապարհորդել ցանկա-

ցած ուղղությամբ։ Կա՝ ընդհանրապես ապրելավայրը փոխելու հավանություն. այդ հարցում ճակատագիրը ձեզ կաջակցի։

ԱՔԼՈՐ (1957, 1969, 1981, 1993, 2005, 2017)



Նոր տարում նախորդող ժամանակը ձեզ կմղի զբաղվելու՝ ձեր կյանքի փոխհարաբերությունների զարգացման հարցով։ Դա կվերաբերի ոչ միայն ընտանիքի ներքին հարաբերություններին, այլեւ գործընկերների հետ շփումներին։ Հանուն շրջապատի հետ փոխադարձ, բարի հարաբերությունների երկարատեւ ապահովման ու դրա բերած ուրախության՝ արեք այն ամենը, ինչ կախված է ձեզանից։ Օրինակ՝ քննարկեք համատեղ ծրագրերի իրականացում եւ, ամենակարեւորը, մի՛ մոռացեք ամանորյա նվերներ պատրաստել հարազատների համար։ Կարգավորեք ունեցած փաստաթղթերը եւ ջանացեք ձեռք բերել որեւէ հոբբի։

Տարին ձեզ կմղի ծայրահեղ որոշումներին։ Դուք հիմա ուզում եք հաղթահարել ունեցած վախերը, ապահովել նյութական կայունություն։ Դե ինչ, փորձե՛ք. «Ով ռիսկի չի դիմում, նա շամպայն չի խմում»։ Բայց նկատի ունեցեք, որ ռիսկը պետք է հիմնավորված լինի։

ՇՈՒՆ (1958, 1970, 1982, 1994, 2006, 2018)



Կողակցի հետ համատեղ կյանքը նման է բնակարանի կառուցման։ Այն տարբերությամբ միայն, որ, տվյալ դեպքում, շինարարությունը շարունակվում է ողջ համատեղ կյանքի ընթացքում։ Մե՛րթ ամեն ինչ նորմալ է ընթանում, մե՛րթ դանդաղում է, խնդիրներ են ծագում։ Ճագարի տարին ճանապարհելիս եւ Վիշապի տարին դիմավորելիս՝ ցանկալի է հավաքել ներուժ, սնվել հոգեւոր էներգիայով եւ Միրով՝ չսպասելով, որ դրանով զբաղվի ձեր երկրորդ կեսը։ Առօրյա հագեցրեք հաճելի նորությամբ, այդ դեպքում գալիք տարին ձեզ կուրախացնի բարի, ընտանեկան իրադարձություններով։

Եկել է կասկածանքներից հրաժարվելու եւ սիրած անձնավորությանը՝ «այո» ասելու ժամանակը։ Հոգեպես կամրանաք, երբ գիտակցեք, որ միայն համատեղ կարող եք հաղթահարել բոլոր խնդիրները։ Հարկավոր է գնալ փոխգիշտությունների։ Եթե միայնակ եք, ապա կա երկրորդ կեսին հանդիպելու մեծ շանս։

ԽՈՂ (1959, 1971, 1983, 1995, 2007, 2019)



Դուք անսպասելիորեն կլցվեք ամեն ինչի նորացման ցանկությամբ՝ կուզենաք փոխել ինքներդ ձեզ, բնակարանը, շրջապատող աշխարհը... Այնպես որ, եթե ցանկություն ծնվի ներկել պատերը, փոխել կահույքը, թարմացնել զգեստապահարանը, ինչ-որ բան փոխել բակում, առանց հապաղելու ընդառաջեք այդ ցանկություններից գոնե մեկին։ Նման խնդիրներ լուծելիս՝ կծնվի տոնական առանձնահատուկ մթնոլորտ, ուր լավ կլինի եւ՝ ձեզ, եւ՝ ձեր հարազատների համար։ Այս ամենի արդյունքում՝ Վիշապը ձեզ կուրախացնի նաեւ անակնկալ նվերով...

Հիմա դուք այն Մոխրոտիկն եք, ով խաղաղ հոգով զբաղվում է առօրյա հոգսերով, ամեն ինչ անում է առանց հավանությունների ու արդյունքում պարզեատրվում է «զխավոր մրցանակով»...

Պատրաստեք ՏՈՒԼԵՏՈՒ ՔԱՂԱՅԱՆԸ



2024-Ը 103-ԱՄՅԱ «ՎՐԱՍՏԱՆԻ» ՀԵՏ



ՀՈՒՆՎԱՐ						ՓԵՏՐՎԱՐ				ՄԱՐՏ				ԱՊՐԻԼ					ՄԱՅԻՍ				ՀՈՒՆԻՍ					
Երկ.	1	8	15	22	29	5	12	19	26	4	11	18	25	1	8	15	22	29	6	13	20	27	3	10	17	24		
Երք.	2	9	16	23	30	6	13	20	27	5	12	19	26	2	9	16	23	30	7	14	21	28	4	11	18	25		
Չրք.	3	10	17	24	31	7	14	21	28	6	13	20	27	3	10	17	24	1	8	15	22	29	5	12	19	26		
Հինգ.	4	11	18	25		1	8	15	22	29	7	14	21	28	4	11	18	25	2	9	16	23	30	6	13	20	27	
Ուրբ.	5	12	19	26		2	9	16	23	1	8	15	22	29	5	12	19	26	3	10	17	24	31	7	14	21	28	
Շաբ.	6	13	20	27		3	10	17	24	2	9	16	23	30	6	13	20	27	4	11	18	25		1	8	15	22	29
Կիր.	7	14	21	28		4	11	18	25	3	10	17	24	31	7	14	21	28	5	12	19	26		2	9	16	23	30

ՀՈՒՆԻՍ					ՕԳՈՍՏՈՍ				ՍԵՊՏԵՄԲԵՐ					ՀՈԿՏԵՄԲԵՐ				ՆՈՅԵՄԲԵՐ				ԴԵԿՏԵՄԲԵՐ					
Երկ.	1	8	15	22	29	5	12	19	26	2	9	16	23	30	7	14	21	28	4	11	18	25	2	9	16	23	30
Երք.	2	9	16	23	30	6	13	20	27	3	10	17	24	1	8	15	22	29	5	12	19	26	3	10	17	24	31
Չրք.	3	10	17	24	31	7	14	21	28	4	11	18	25	2	9	16	23	30	6	13	20	27	4	11	18	25	
Հինգ.	4	11	18	25		1	8	15	22	29	5	12	19	26	3	10	17	24	31	7	14	21	28	5	12	19	26
Ուրբ.	5	12	19	26		2	9	16	23	30	6	13	20	27	4	11	18	25	1	8	15	22	29	6	13	20	27
Շաբ.	6	13	20	27		3	10	17	24	31	7	14	21	28	5	12	19	26	2	9	16	23	30	7	14	21	28
Կիր.	7	14	21	28		4	11	18	25	1	8	15	22	29	6	13	20	27	3	10	17	24	1	8	15	22	29

ՀՈՒՆՎԱՐ. 1, 2 - Նոր տարի, 7 - Սուրբ Ծնունդ, 19 - Ջրօրհներ: **ՄԱՐՏ.** 3 - Մայրության օր, 8 - Կանանց միջազգային օր: **ԱՊՐԻԼ.** 9 - Վրաստանի ազգային միասնության օր: **ՄԱՅԻՍ.** 3 - Կարմիր ուրբաթ: 5 - Սուրբ Ջատիկ, 6 - Հանգուցյալների հիշատակի օր, 9 - Հաղթանակի օր, 12 - Սուրբ Անդրեաս Առաքյալի հիշատակի օր, 26 - Վրաստանի պետական անկախության վերականգնման օր: **ՕԳՈՍՏՈՍ.** 28 - Մարիամորա: **ՀՈԿՏԵՄԲԵՐ.** 14 - Սցիսթերա: **ՆՈՅԵՄԲԵՐ.** 23 - Գիորգորա:

Հայ Առաքելական եկեղեցու տաղավար տոները, որոնք Հայաստանում ոչ աշխատանքային օրեր են: **ՀՈՒՆՎԱՐ.** 5 - ճրագալույցի տոն, 6 - Սուրբ Ծնունդ եւ Աստվածհայտնության տոն (Սկրտություն), 7 - Հանգուցյալների հիշատակի օր: **ՄԱՐՏ.** 29 - Կարմիր ուրբաթ, 31 - Սուրբ Ջատիկ: **ԱՊՐԻԼ.** 1 - Հանգուցյալների հիշատակի օր, 24 - Ցեղասպանության զոհերի հիշատակի օր: **ՀՈՒՆԻՍ.** 7 - Պայծառակերպություն, 8 - Հանգուցյալների հիշատակի օր: **ՕԳՈՍՏՈՍ.** 18 - Վերափոխում, 19 - Հանգուցյալների հիշատակի օր: **ՍԵՊՏԵՄԲԵՐ.** 15 - Խաչվերաց, 16 - Հանգուցյալների հիշատակի օր:

«Վրաստան» թերթի հաջորդ համարը լույս կտեսնի հունվարի 13-ին:

Գլխավոր խմբագիր՝ ՎԱՆ ԲԱՅԲՈՒՐՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅՅՈ ՅՈՆԱՅՅՐԹՈ: ԹՅՈՒՆՈՍ 0105, ԶԱՏՈՂՆՈՍ ԺՅՈՅ 5.
Մեր հասցեն Թբիլիսի 0105 Գ.Աթոնելի փ. 5
ԹՅՈՒ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 4 - 1439
«ԿՈՆՈՐ» հրատարակչություն

«ՅՐԱՍՏԱՆ»
ԹՅՈՒՆՈՍ, ՆԱՅՅՐԹՅՈՒՆ
«ՎՐԱՍՏԱՆ»
Тбилиси, Грузия
«VRASTAN»
Georgia, Tbilisi
Индекс 66445